

二

曲

集

二曲集卷之十二

匡時要務

二曲先生口授

晉陵守駱鍾麟手述

大丈夫無心於斯世則已苟有心斯世須從  
大根本大肯綮處下手則事半而功倍不勞  
而易舉夫天下之大根本莫過於人心天下  
之大肯綮莫過於提醒天下之人心然欲醒  
人心惟在明學術此在今日爲匡時第一要  
務謹次其槩以俟有心斯世者鑒焉

經書垂訓所以維持人心也學校之設所以聯群會  
講切劘人心也自教化陵夷父兄之所督師友之  
所導當事之所鼓舞子弟之所習尚舉不越乎詞  
章名利此外茫不知學校爲何設讀書爲何事嗚  
呼學術之晦至是而極矣人心陷溺之深至今日  
而不忍言矣荀墨氏之學志於仁者也視天下爲  
一家萬物爲一體慈憫利濟唯恐一夫失所楊氏  
之學志於義者也一介不取一介不與從其學者  
人人一介不取一介不與此其爲學視後世詞章

名利之習相去何啻天淵孟子猶以爲愛無差等  
理亂不關辭而闡之至目爲無父無君比之洪水  
猛獸蓋慮其以學術殺天下後世也夫以履仁蹈  
義爲事其源少偏猶不能無弊劄所習惟在於詞  
章所志惟在於名利其源已非流弊又何所底止  
此其以學術殺天下後世尤酷比之洪水猛獸尤  
爲何如也

洪水猛獸其爲害也止於其身學術不明其爲害也  
根於其心身害人猶易避心害則醉生夢死不自

知覺發政害事爲患無窮是心害酷於身害萬萬  
也非大有爲之君子以擔當世道主持名教爲已  
任則學術何自而明心害何自而拯

天下之治亂由人心之邪正人心之邪正由學術之  
明晦學術之明晦由當事之好尚所好在正學則  
正學明正學明則人心正人心正則治化淳所好  
在詞章則正學晦正學晦則人心不正人心不正  
則治化不興蓋上之所好下卽成俗感應之機捷  
於影響

近世士大夫欲興起文教命題課士名曰觀風此其舉非不稱美若論有補於風化則猶未也善乎呂中丞新吾之言曰有司豈無所汲汲皇皇而學校獨不加意有加意者不過會課改文供饋給賞而已砥德礪行引而出之迷途則全不在念噫弊也久矣

民之於仁甚於水火人或可以一日無水火必不可一日無學不可一日無學則不可一日不講講則人知所嚮日陶月汰天理常存而人心不死不講

則貿貿焉莫知所之率意冥行不免任氣滋慾隨俗馳逐而已

立人達人全在講學移風易俗全在講學擦亂返治全在講學旋乾轉坤全在講學爲上爲德爲下爲民莫不由此此生人之命脈宇宙之元氣不可一日息焉者也息則元氣索而生機漓矣

隨人開發轉相覺導由一人以至千萬人由一方以至多方使生機在在流貫此便是爲天地立心生民立命

真正豪傑方能無待而興其餘則全賴有位之人勞  
來匡直多方鼓舞陽明先生自爲驛丞以至宰廬  
陵撫江西總督四省所在以講學爲務挺身號召  
遠邇雲從當秉鉞臨戎而猶講筵大啓指揮軍令  
與弟子答問齊宣直指人心一念獨知之微以爲  
是王霸義利人鬼關也聞者莫不戚戚然有動於  
中是時士習蔑裂於辭章記誦安以爲學自先生  
倡而天下始知立本於求心始信人性之皆善而  
堯舜之皆可爲也於是雨化風行雲蒸豹變一時

學術如日中天

少墟先生協理院事與堂院南臯鄭公立會開講十三道御史爲闡首善書院以定會期二八則都中縉紳聽講四六則舉貢生員及軍民工商一切雜色人等聽講是時邊警告急賊寇縱橫中外交証人情震動或曰此何時也而講學先生曰此何時也而可不講學講學者正講明其父子君臣之義提醒其忠君愛國之心正今日要緊第一着也或曰父子君臣之義忠君愛國之心原是人人有的

何必講曰如是人人沒有的黃不該講如磨磚求  
明磨之何益如原是人人有的只被功名勢利埋  
沒了豈可不講講之者只講明其所本有提醒其  
所本有者也如磨鏡求明磨何可無智吾友陶石  
賓赴京一客勸曰在仕途且勿講學石賓笑應曰  
仕途更急緊要學使用其客大爲解頤余於今日  
亦云

先生嘗上疏於朝曰竊惟世道之所以常治而不亂  
者惟恃有此理學之一脈亦惟恃有此講學之一

事講學創自孔子而盛於孟子故孟子以作春秋  
關楊墨爲一治至孟子沒而異端蜂起列國紛爭  
禍亂相尋千有餘年良可浩歎至宋儒出而始有  
以接孟氏之傳然中興於宋而禁於宋是宋之不  
競以禁講之故非講之故也

文疏曰臣幼承庭訓卽知有講學一事比壯歲登朝  
卽與一時同志如楊起元丘化鯉周聖齡諸臣立  
會講學三四年間寒暑風雨未嘗少輟世道人心  
頗覺可觀自臣壬辰告病歸而京師學會遂廢不

講者三十年臣昨秋入京見人心世道不及曩者  
邊臣不知忠義而爭先逃走妖賊不知正道而大  
肆猖獗中外貪肆成風縉紳奔競成俗諸如此類  
正坐道學不講之過臣因與左都御史鄒元標立  
會講學凡同講諸臣彼此皆以忠孝大義相勸勉  
使人人皆知正道皆知君親之大倫或可以少挽  
江河狂濶於萬一此正臣與元標風紀大臣之責  
任也

嘉隆時江左徽寧之間經學憲耿天臺之倡率郡守

羅近溪之提撕講會尤多興起尤衆不特縉紳衿士能領畧其微詮而風聲鼓舞習尚蒸陶卽他途小道亦皆有渾朴不雕之風似從學問中來蓋具以無意得之而不知所由異哉講學之風入人甚神也假若諸郡邑在在講貫在在提撕大知覺小知小知覺無知大覺覺小覺小覺覺無覺相與知覺者益衆則人之承流感化者愈多是故人欲化爲天理則身心太平小人化爲君子則世道太平人皆可以爲堯舜世豈不可以爲唐虞箇羅近溪

以外史入觀過縉紳卽諄諄告以留意正學又數  
勸首揆徐文貞公曰相公當啓主上以正學爲務  
柰何僅循內閣故事以塞其職耶徐公大以爲然  
出而歎曰諸君講學只三五卷談不足風世得君  
相同心斯事則寰宇受其福矣至哉言乎仁哉心  
乎此近溪先生之所以爲近溪先生也倘仁人君子  
以近溪之心爲心近溪之言爲言與當事會晤  
非此學不談非此學不講俾當事曉然知講學之  
風所關甚大倡率鼓舞極力主張裨益豈淺鮮哉

會約序

古之人左右起居盤盂几杖有銘有戒有箴有規動  
息皆有所養故橫渠之西銘伊川之四勿箴莫非講  
明義理晨夕自警以修其身平日識之明習之熟則  
制于外者所以養其內謹於始者使其要於終勉之  
以当然而待之以積久是以其教不肅而成二曲先  
生仰承

上臺開化民成俗之意而以學爲先於見述古聖賢  
教人爲學之要以爲具有于經廩首儒行次會約而

終以學程揭其條目俾學者觸目警心有當於古人  
銘戒箴規之義焉其心虛其念切矣故宋制新進士  
各賜儒行中庸二篇濂洛關閩實際其盛先生學有  
淵源詞無枝葉諸所論述大要在着實從一念獨知  
處本體功夫一時俱到豈非近裏着已之實學哉今  
士子務爲詞章漫謂苟可于祿何事講學夫王公大  
人自幼至長未嘗去於學之中故能收其切磋追琢  
之益以成其盛德大業之隆昔衛武公作大雅抑之  
篇使人日誦于其側以自警大學釋有斐之詩歸美

于道學自修至今頌睿聖之德于不衰方今

上臺生負睿智之質出乘節鍊之尊威行愛立文武爲憲其所精理承化之功已盡章章如是而猶虛左下士誠心訪問勤勤懇懇意不少倦焉况諸士政當鼓篋遜業博習親師之日又當何如其孜勉歟余初擬刻朱子白鹿洞規以頒示多士今陪陽中書院學規其爲學之序與修身接物之要實與白鹿之旨深相發明在秦言秦歸有餘師誠能請事斯規服膺勿失銘之座右書諸紳佩則出入動息之間所以操存

而涵養者久而自熟是於先生之言如江海之浸膏  
澤之潤也使一人之行修移之於一家一家之行修  
移之於鄉黨鄰邑則三秦之風俗成人材出矣教化  
之行道德之歸

上之人實切有望焉諸士勉乎哉

康熙癸丑提督陝西學政新安洪琮謹書

二曲集卷之十三

關中書院會約

塾居李顥中孚識

儒行

士人儒服儒言咸名曰儒抑知儒之所以爲儒原自有在也夫儒服儒言未必真儒行儒之行始爲真儒則儒行篇不可以不之點也是篇雜在禮記茲謹表出以式同志懿德之好人有同然誠因觀生感因感生奮躬體力踐有儒之實斯儒服儒言

無媿儒之名矣

魯哀公問於孔子曰夫子之服其儒服與孔子對曰丘少居魯衣逢掖之冠長居宋冠章甫之冠丘聞之也君子之學也博其服也鄉丘不知儒服

哀公曰敢問儒行孔子對曰遠數之不能終其物悉數之乃留更僕未可終也哀公命席孔子侍曰儒有席上之珍以待聘夙夜強學以待問懷忠信以待舉力行以待取其自立有如此者

儒有衣冠中動作慎其大讓如慢小讓如僞大則如

威小則如愧其難進而易退也惄惄若無能也其容貌有如此者

儒有居處齊難其坐起恭敬言必先信行必中正道  
塗不爭險易之利冬夏不爭陰陽之和變其死以有  
待也養其身以有爲也其備豫有如此者

儒有不寶金玉而忠信以爲寶不祈土地立義以爲  
土地不祈多積多文以爲富難得而易祿也易祿而  
難畜也非時不見不亦難得乎非義不合不亦難畜  
乎先勞而後祿不亦易祿乎其近人有如此者

儒有委之以貨財淹之以樂好見利不虧其義劫之以衆沮之以兵見死不更其守驚蟲攖搏不程勇者引重鼎不程其力往者不悔來者不豫過言不再流言不極不斷其威不習其謀其特立有如此者

儒有可親而不可刲也可近而不可迫也可殺而不可辱也其居處不淫其飲食不滌其過失可微辨而不可面數也其剛毅有如此者

儒有忠信以爲甲冑禮義以爲干橹載仁而行抱義而處雖有暴政不更其所其自立有如此者

儒有一畝之宮環堵之室簾門圭窬蓬戶甕牖易衣而出并日而食上答之不敢以疑上不答不敢以詣其仕有如此者

儒有今人與居古人與稽今世行之後世以爲楷適弗逢世上弗援下弗推讒諳之民有比黨而危之者身可危也而志不可奪也雖危起居竟信其志猶將不忘百姓之病也其憂思有如此者

儒有博學而不窮篤行而不倦幽居而不淫上通而不困禮之以和爲貴忠信之美優游之法慕賢而容

衆毀方而瓦合其寬裕有如此者

儒有內稱不辟親外舉不辟怨程功積事推賢而進達之不望其報君得其志苟利國家不求富貴其舉賢授能有如此者

儒有聞善以相告也見善以相示也爵位相先也久相待也遠相致也其任舉有如此者

儒有潔身而浴德陳言而伏靜而正之上弗知也蠹而翹之又不急爲也不臨深而爲高不加少而爲多世治不輕世亂不沮同弗與異弗非也其特立獨行

有如此者

儒有上不臣天子下不事諸侯慎靜而尚寬強毅以  
與人博學以知服近文章砥礪廉隅雖分國如鑄銖  
不臣不仕其規爲有如此者

儒有合志同方營道同術並立則樂相下不厭久不  
相見聞流言不信其行本方立義同而進不同而退  
其交友有如此者

溫良者仁之本也敬慎者仁之地也寬裕者仁之作  
也孫接者仁之能也禮節者仁之貌也言談者仁之

文也歌樂者仁之和也分散者仁之施也儒皆兼此而有之猶且不敢言仁也其尊讓有如此者

儒有不隕穫于貧賤不克訕于富貴不憚君王不畏長上不閔有司故曰儒今衆人之命儒也妄常以儒相詬病孔子至舍哀公館之間此言也言加信行加義終沒吾世不敢以儒爲戲

右揭此以爲制行之準行有不若此便是制行有虧制行一虧所學何事縱有他長斯亦不足觀也已

會約

關中書院自少墟馮先生而後學會久已絕響  
今

上臺加意興復此當今第一美舉世道人心之幸也  
諸同志川至雲集相與切劘雖以願之不肖亦  
獲溢廁會末振頽起旁益良多衆謂會不可  
以無規促顥擣其槩詎不得固辭謹條列于左  
一每年四仲月一會講講日午初擊鼓三聲各具  
本等服帽詣

至聖前四拜禮隨至馮恭定公少墟先生位前禮亦如之禮畢向

各憲三恭然後東西分班相對一揖就坐以齒爲序分不可同班者退一席講畢擊磬三聲仍詣至聖前肅揖而退

一先輩開講恐學者乍到氣浮必令先齋戒三日習禮成而後聽講先端坐觀心不遽與言今吾輩縱不能如此亦須規模靜定氣象安閒默坐片晌方可申論

先輩大堂開講只統論爲學大綱而質疑晰惑  
未必能盡蓋以大堂人士衆多規模宜肅不肅  
則不足以鎮浮囂定心志私寓則相集略少情  
易孚意易契氣味浹洽得以暢所欲言吾輩既  
效法先覺不可不循其漸次大堂統論之外如  
果真正有志進修不妨次日枉顧廼寓從容盤  
桓披衷相示區區竊願謬竭愚悃以効矇瞽之  
誦

一先輩講學大儒品是聖賢學是理學故不妨對

人講理學勸入學聖賢顛本昏謬庸人千破萬  
綻擢髮難數旣非卓品又無實學冒昧處此覩  
顏實甚終不敢向同人妄談理學輕言聖賢惟  
願十二時中念念切已自反以改過爲入門自  
新爲實際諸同人質美未鑒固無過可改然盛  
德大業貴乎日新亦不妨愈加淬礪勉所未至  
一吾人苟能奮志求新痛自洗剔創艾不作蓋藏  
方始有益昔齊宣王自謂好勇好貨好色肯將  
自己所受之病一一向孟子面前陳說略無二

毫隱諱所以孟子倦倦屬意於王以爲足用爲善譬之病人不自諱忌肯將自己病源一一述出令醫知其標本所在藥始中病苟爲不然即有萬全良劑與症不對亦何補哉今吾人相聚切磋慎勿蔓衍泛談所貴就症言症庶獲見症商症以盡忠告之益

一晤對之餘各宜打併精神默坐澄心務令心澄神怡表裏洞然使有生以來一切嗜好一切外慕及種種技能習氣盡情融銷潔潔淨淨無一

毫牽纏粘滯方有入機

一用力喫緊之要須着着實實從一念獨知處自體自認自慎幾微此出禽入人安身立命之大關頭也此處得力如水之有源千流萬派時出而無窮矣若祇在見解上湊泊格套上摹倣便是離本逐末含真求妄自蔽原面自牿生機一語稱疑思問中庸謂有弗辯辯之弗明弗措吾人苟真實刻苦進修則問與辯又烏容已譬之行路雖肯向前直走若遇二岔歧路安得不問

路上曲折又安得不一一辯明故遇岐便問問  
明便行方不托諸空言若在家依然安坐只管  
問路辯程則亦道聽塗說而已矣夫道聽塗說  
爲德之棄吾人不可不戒

一邇來有志之士亦有不泥章句不墮訓詁毅然  
以好學自命者則又全日而進步之實往往辯  
名物徇象數窮幽索大要意高深皆人所謂自  
笑從前顛倒見枝枝葉葉外頭尋此類是也吾  
輩宜深以爲戒要在切問近思一味着裏

一昔者吳密山年八十餘矣猶孜孜問學見焦澹園自述向訪羅近溪先生適羅他往往從姑山房累月求悟轉逃張斗陽云公胸中聞見太多蔽却聰明須盡數傾倒方可受教從其言後承羅師指點因得領悟久之以語王龍溪先生王曰汝此一悟亦須忘却今復數年矣不知當作何究竟焦曰將悟與忘一齊放下吳躍然由斯以觀則知學固不廢聞見亦不專靠聞見要在深造默成令胸中豁然自得始有下落得後又

能忘其所得空空洞洞一如赤子有生之初則  
幾矣

一靜能空洞無物情悰渾忘而徵之於動猶有滲  
漏終非實際故必當機觸境此中瑩然湛然常  
寂常定視聽言動復禮喜怒哀樂中節綱常倫  
理不虧辭受取與不苟富貴貧賤一視得失毀  
譽不動造次顛沛一致生死利害如常如是則  
動靜協一體用兼盡在一家表正一家在一鄉  
表正一鄉在一國表正一國在天下表儀天下

爲法於天下可傳於後世方不枉今日往來書院羣聚切劘否則一行玷缺便虧生平不但明爲人非幽爲鬼責卽反之自己靈明亦覺氣餒神歎歟踏弗寧且貽口實於無窮曰此關中書院平日志學之人也今乃如是是學之無益於人也其爲學脉之蠹孰大於是吾儕慎諸以上數條躬所未至姑誦所聞竊比工瞽諦同人倘不以人廢言願相與共勉之

學程

余至不肖荷諸子誤愛相與問道於盲余愧無以益諸子聊書數言以訂

一每日須黎明卽起整襟危坐少頃以定夜氣屏緣息慮以心觀心令昭昭靈靈之體湛寂清明了無一物養未發之中作應事之本

一坐而起也有事則治事無事則讀經數章註取其明白正大簡易直截其文離纏繞穿空鑿巧者斷勿寓目

一飯後看四書數章須看白文勿先觀註白文不契然後閱註及大全凡閱一章卽思此一章與自己身心有無交涉務要體之於心驗之於行苟一言一行不規諸此是謂侮聖言空自乘

一中午焚香默坐屏緣息慮以續夜氣飯後讀大學衍義及衍義補此窮理致知之要也深研細玩務令精熟熟則道德經濟胥此焉出夫是之謂大人之學

一申酉之交遇精神懶散擇詩文之痛快醒發者如

漢魏古風出師表歸去來辭正氣歌却聘書從容  
朗誦以鼓昏隋

一每晚初更燈下閱資治通鑑綱目或濂洛關閩及  
河會姚涇語錄閱訖仍靜坐默檢此日意念之邪  
正言行之得失苟一念稍差一言一行之稍失卽  
焚香長跽痛自責罰如是月消月滋久自成德卽  
意念無差言行無失亦必每晚思我今日曾行幾  
善有則便是日新日新之謂盛德無則便是虛度  
虛度之謂自畫昔有一士自課每日必力行數善

或是日無善可行晚卽自慟曰今日又空過了一  
日吾人苟亦如此不患不及古人也

一每日除萬不容已者只得勉應其餘苟非緊急大  
事斷勿出門一步終日不見人則神自清品自重  
有事往來親友之家或觀田疇或赴地方公務行  
步須安詳穩重作揖須舒徐深圓周中規旋中矩  
坐如尸立如釘手與心齊莊而和從容閒定正已  
以格物不可輕履市肆不可出入公門不可狎比  
匪類不可衣服華美

一立身以行檢爲主居家以勤儉爲主處人以謙下  
爲主涉世以忍讓爲主

一習學先習不言無論見未透行未至者不言卽見  
已透行已至者一槩靜默不言始也勉強力制數  
日不發一語漸至數月不發一語極至於三年不  
輕發一語如是則所蓄者厚所養者深不言則已  
言則成經矣人不聞則已聞卽信服矣所謂三年  
不言言乃雍是也萬一尊長或平日知契固問惟  
就所聞坦懷以對必誠慎務要簡當

一聯五七同志每月朔望兩會相與考德問業夾輔  
切劘公置一簿以記逐月同人言行之得失得則  
會日公獎特舉酒三盃以示勸失則規其改圖三  
規而不悛聽其出會

一會日坐久腹枵會主止設肉蔬四器充饑而止甚  
勿盈盤狼籍以傷雅風會中所講之書如康齋日  
錄涇野語錄文清讀書錄陽明傳習錄此數種明  
白正大最便後學所論之言毋越身心性命綱常  
倫理不得語及各人私事不得語及閨門隱事不

得語及官員賢否及他人得失不得語及朝廷公  
事及邊報聲聞違者罰俸次會一會之飯

以上數條乃順手偶成原不足示範感諸子誠  
切聊助鞭影耳諸子倘不以爲謬謹守力行慎  
終如始相期於必至之城豈惟區區之光卽百  
二河山亦與有榮施矣

小引

盩厔答問者錄二冊先生答人問學之語也先生平日啓廸後學不倦士之承聲咳者與述錄之以自益隨問輒答隨答輒錄總計不下數千紙大都正學術採擗漏殊有補於世道人心余友王劉二君深嚮慕之立夏介余走盩厔先生於里塾退而錄其答語數條私用醒發繫以盩厔明不怠所自云先生嘗謂天下之治亂由人才之盛衰人才之盛衰由學術之明晦故是錄一主於明學術其用心可謂遠且仁矣

讀者當自知之無俟余贅

順治丙申陽月古豫張密書

二曲集卷十四

盞厓答問

嵩麓門人

王所錫  
劉鑑

全錄

問立志。曰大凡立志先貴脫乎流俗。是故行誼脫乎流俗。則爲名人。議論脫乎流俗。則爲名言。果能擺脫流俗。自然不理於俗。安於俗而不思脫俗者。斯其人固已滅矣。欲脫俗而又欲見信於俗。則其惑也不亦甚乎。孟子云。粘晉之所爲。衆人固不識也。不識則疑。疑則忌。忌則訾毀排陷。自其常事。若於

此瞻前顧後而動心焉必且終歸於俗矣可不戒  
歟

問儒曰德合三才之謂儒天之德主於發育萬物地  
之德主於資生萬物士頂天履地而爲人貴有以  
經綸萬物果能明體適用而經綸萬物則與天地  
生育之德合矣命之曰儒不亦宜乎

能經綸萬物而參天地謂之儒務經綸之業而欲與  
天地參謂之學儒而不如此便是俗儒學而不如  
此便是俗學俗儒俗學君子深恥焉

然則又有道學何也曰儒者之學明體適用之學也  
秦漢以來此學不明醇厚者牿於章句俊爽者流  
於浮詞獨洛闢諸大老始慨然以明體適用爲倡  
於是遂有道學俗學之別其實道學卽儒學非於  
儒學之外別有所謂道學也

儒學明晦不止係士風盛衰實關係生民休戚世運  
否泰儒學明則士之所習者明體適用之正業處  
也有守出也有爲生民蒙其利濟而世運寧有不  
泰儒學晦則士之所攻者離章記誦之末技處也

無守出也無爲生民毫無所賴而世運寧有不否  
問何爲明體適用曰窮理致知反之於內則識心悟  
性實修實證達之於外則開物成務康濟羣生夫  
是之謂明體適用

明體適用乃人生性分之所不容已學焉而昧乎此  
卽失其所以爲人矣

明體而不適於用便是腐儒適用而不本明體便是  
霸儒旣不明體又不適用徒滅裂於口耳伎倆之  
末便是異端

楊墨異端也佛老異端之異端也猶華廢實吾教中之異端也教外之異端其害淺教內之異端其害深

先儒謂攻乎異端斯害也已孔子時佛教未入中國雖有老子其說未行却指何者爲異端蓋異字與同字爲對雖同師堯舜而所學異緒與堯舜不同此所以爲異端也今吾輩同讀儒書同以儒自命不審與儒者全體大用之實果同乎否耶此處須切已體察慎勿終其身醉夢於異端而猶居之不

疑曰我儒也我儒也

一友謂近日朋友幸蒙開發亦漸知從事儒學顧功名之念終是未忘柰何曰朋友中果知矢志功名此正世道之慶吾儒之光可以爲病乎但恐所志不在功名耳因問其故曰功名二字余曾聞其說矣功被一方則不待求名一方一方自然傳其名功被天下則不待求名天下天下自然傳其名功被萬世則不待求名萬世萬世自然傳其名若夫登科取第謂之有功於已則可謂之有功於人則

不可謂有富貴之名則可謂有事業之名則不可  
前人惟以事業爲功名當其志學之始便以王道  
爲心生靈爲念故朝夕之所從事者在於明治體  
識時務及其學成業就自爾功建名立吾人惟以  
富貴爲功名當其志學之始便以逢時爲心僥幸  
爲念故朝夕之所從事者在於纏浮詞較拙工及  
其學成業就究竟無功可名嗚呼自功名二字之  
義不明士生其間不知枉用了許多精神人材之  
不振治道之不古職此故耳可勝嘆哉

然則登科取第非耶曰人能登科取第正好借此立功名何可非也但不當逐末舍本肯留心於事業則善矣

人於事業儘學之有素及一當事任猶有殘裂莽蕩不克負荷者况未嘗學之有素而欲望其臨時有所建立不亦悖乎

問三教曰夫道一而已矣教安有三耶使教有三則道亦有三矣然姑就世俗所謂三教者言之吾儒之教原以經世爲宗自宗傳晦而邪說橫於是

變而爲功利之習再變而爲詭詰之習浸假至今  
則又以善筆札工講誦爲儒當然愈趨愈下而儒  
之所以爲儒名存而實亾矣老氏之教原以無爲  
爲宗自宗傳晦而怪幻興於是變而爲長生之  
說再變而爲符籙之說浸假至今則又以誦經咒  
建齋醮爲道教當然愈趨愈下而道之所以爲道  
名存而實亾矣釋氏之教原以圓寂爲宗自宗傳  
晦而詐僞起於是一變而爲枯禪之說再變而爲  
因果之說浸假至今則又以造經像勸布施爲釋

教當然愈趨愈下而釋之所以爲釋名存而實亾矣然使二教盡亾則風俗之蠹可息儒教若亾則風俗之蠹愈滋憲安得信心之士與之崇正闢邪其明儒教哉

從來無百年不死之人或七十而死或六十而死或五十四十而死甚有稟齡未壯而死者壽夭之不可預定如此何若勉其易死之身做性分當然之事爲天地立心爲生民立命爲往古繼絕學爲萬世開太平

天下之患莫大於學術不明近世士風所以多謬者未必皆士之罪亦學術不明有以陷之也

先生深悼乎此故其與士友講切直就其迷其惑者爲之發明士人乍聞其說始而譁既而疑久之疑者釋譏者服戚戚然有動於中自謂如大寐之得醒而且恨其知學之晚自關中河南以及江右兩浙其闡興起者漸梟學之大明端有待於今矣猗歟盛哉此非獨士風之幸實斯世斯民之幸也錫等蔽於見聞習染垂四十年茲榮先生慈訓半生迷障一朝

頓首遂再拜稽首書諸冊以報夜祇承先生之教

門人劉

王所錫

謹識

小引

富平答問者吾

師二曲先生答人問學之語也。先生原籍盩厔頃因兵氛流寓富平閉關養病不與世通居恒惟三五舊遊往來起居緣是得以時近卧榻親承

警教有問必答聞所未聞凡進修之要性命之微明體適用之大全內聖外王之實際靡不當可而發因人而啓要皆口授心受期於躬體實詣不以語言文字爲事以故語多未錄茲僅錄其切於通病者聊以

自警昔周子寓濂溪而濂溪著程子寓龍門而龍門顯以至康節之於洛晦菴之於閩咸地以人重聲施無窮今不腆下邑亦何幸而獲先生之至止耶隨在施教語因地傳是以恭題曰富平答問紀實也庶觀者知其所自云

富平人惠寵嗣沐手謹識

富平集卷十五

富平答問

富平門人惠靈聯鉞

問近年屏去閒書朝夕惟經四書是讀讀來讀去亦覺微有所得但愧筆力非其所長不能見之論著有所發明耳

先生曰讀書特患無得若果實有所得則居安資深施於四體四體不言而喻卽此便是發明縱終其身無一字論著亦不害其爲善讀書答訖又太息曰六

經四書儒者明體適用之學也讀之者果明體乎果適用乎夫讀書而不思明體適用研究雖淺論著雖富欲何爲乎不過誇精闢奧炫耀流俗而已矣以此讀書雖謂之未見六經而弗識四書字可也噫聖賢立言覺世之苦心支離於繁說理沒於訓詁其來非一日矣是六經四書不厄於嬴秦之烈火實厄於俗學之口耳抱隱憂者宜清源端本潛體密詣務期以身發明正不必徒解徒訓愈增葛藤以資唇吻已也問爲學須是無所不知

先生曰無所不知固好然須先知其在已者否則縱事事咸知猶無知也故無所不知者有大不知逐末迷本智者固如是乎

問何爲在已

先生曰卽天之所以與我者是也此爲仁義之根道德之樞經綸參贊之本故講習討論涵養省察無非有事於此耳舍此而他求是猶艱然於自己家珍而偏詳夫鄰里器用此之謂不知務

然則家珍旣知之後其他可遂不知乎

先生曰君子爲學貴博不貴雜洞修己治人之機達  
開物成務之畧如古之伊傅周召宋之韓范富馬推  
其有足以輔世而澤民而其流風餘韻猶師範來哲  
於無窮此博學也名物象數無體不探典故源流纖  
微必察如晉之張華陸澄明之升菴弇山扣之而不  
竭測之而益深見聞雖富致遠則乖此雜學也自博  
雜之辨不明士之繕故紙泛窮索者便侈然以博學  
自命人亦翕然以博學歸之殊不知役有用之精神  
親無用之瑣務內不足以明道存心外不足以經世

宰物亦祇見其徒勞而已矣以余之不敏初昧所向  
於經史子集旁及二氏兩藏以至九流百技稗官小  
說靡不泛涉中歲始悟其非恨不能取憇昔記憶洗  
之以長風不留半點骨董於藏識之中令中心空空  
洞洞一若赤子有生之初其於真實作用方有入機  
乃同志反以是爲尙亦可謂務非其所務矣

問朱陸之學久有定論今學者猶蘿駁不已其將

誰適與

先生曰自孔子以博文約禮之訓上接虞廷精一之

傳千載而下淵源相承確守弗變惟朱子爲得其宗  
生平自勵勵人一以居敬窮理爲主窮理卽孔門之  
博文居敬卽孔門之約禮內外本末一齊俱到此正  
學也故尊朱卽所以尊孔然今人亦知闢象山尊朱  
子及考其所謂尊不過訓詁而已矣文義而已矣其  
於朱子內外本末之兼諸主敬從躬之實修吾不知  
其何如也况下學循序之功象山若疎於朱而其爲  
學先立乎其大峻義利之防亦自有不可得而掩者  
今之尊朱者能如是乎不能如是而徒以區區語言

文字之末闢陸尊朱多見其不知量也

日以某愚魯之資固守考亭之訓於先生內外本末一齊俱到之旨實未信及

先生曰窮理而不居敬則聞見雖多而究無以成性存存便是俗學居敬而不窮理則空疎無用而究不足以經世宰物便是腐儒故必主敬以窮理使心常惺惺方能精義入神隨博隨約庶當下收欵不至支離外馳德業與學業並進知行合一其在斯乎故內外本末必一齊俱到庶用功着力始爲喫緊

問無事時冥目靜坐反覺意慮紛拏如何得靜卽  
靜矣此心將何所寄耶又吾人主敬固是徹上徹  
下工夫但所應之事有限所接之人亦有限亦可  
以稱安人安百姓否亦可以稱位育稱參贊否又  
孔子蔬水曲肱樂在其中顏子簞瓢陋巷不改其  
樂不知所樂者何事也何物也萬一饑餓而死此  
樂亦可言歟又釋道兩門與吾儒真實作用固不  
同矣嘗見先儒有坐化者釋與道亦有坐化者一  
靈爛爛不知皆往何處去也輪廻之說然乎否乎

報應之說真乎幻乎今之行善者未必蒙福而爲惡者反以遠禍無恠乎顏子之歿浙而盜蹕以尋終也此皆所不可解者也

先生曰冥目靜坐反覺思慮紛拏此亦初入手之常惟有隨思隨覺隨覺隨欵而已然緒出多端皆因中無所主主人中苟惺惺則聞思雜慮何自而起靜時心無所寄總源未見本地風光見則心常灑灑無事時湛寂凝定廓然太公有事時物來順應弗逐境馳倘以始焉未遽如斯不妨涵泳聖賢格言使義理津

津悅心天機自爾流暢以此寄心勝於空持硬守久則內外澄徹打成一片所有於已者得力則及於人者自宏自爾在在處處轉移人心縱居恒所應之事所接之人有限而中心生生之機原自無窮此立人達人位育參贊之本也欲知孔顏之樂須知世俗之憂胸無世俗之所以憂便是孔顏之所以樂心齋云人心本自樂自將私欲縛私欲一萌時良知還自覺一覺便消除此心依舊樂樂則富貴貧賤患難流離無入而不自得卽不幸至於饑餓而死俯仰無作莫

非樂也。二氏作用與吾道懸殊。而一念萬年之實際。亦有不可得而全諱者。區區坐化之述。當非所詁。輪廻之說。出於瞿曇。吾儒口所不道。君子唯盡其在已者。三塗八苦。四生六道。有與無任之而已。若因是而動心。則平日之砥修。乃是有所爲而爲。卽此便是貪心利心。又豈能出有超無。不墮輪廻中耶。積善有餘慶。積惡有餘殃。報應之說。原眞非幻。卽中間善或未必蒙福。惡或未必罹禍。安知人之所謂善。非天之所謂惡。又安知人之君子。非天之小人耶。人固有勵操

於昭昭而敗檢於冥冥。居恒謹言慎行。無非無刺。而反之一念之隱。有不堪自問者。若欲就一節一行。顯然易見者。便日以爲善。是猶持微炬而徧照八荒之外也。卽表裏如一。粹乎無瑕。而艱難成德。殷憂啓聖烈火猛燄。莫非煅煉之精。身雖坎壈。心自亨泰。至於惡或未卽罹禍。然亦曷嘗終不罹禍。明有人非幽有鬼責。不顯遭王章。便陰被天譴。甚或家有醜風。子孫傾覆。念及於此。真可骨慄。以形骸言之。固顏妖而齷壽。若論其實。顏未嘗妖而齷亦曷嘗壽也。噫盡道而

妖雖妖猶壽。况又有不與亡俱亡者乎。昧道而壽雖壽猶死。况又有不與存俱存者乎。詩稱文王在上。於昭於天。在帝左右。原非詭語。而孟氏所謂名之曰幽厲。雖孝子慈孫。百世不能改。然則生前之亨年雖永。識者蓋所羞齒。夫亦何可弁衡也。理本至明。何不可解之有。總之學貴知要。而晰疑須是循序方談。靜功而輒泛及於位育參特等說。未免馳蕪。恐非切問近思之初意也。

問良知之說何如

先生曰良知卽良心也一點良心便是性不失良心便是聖若以良知爲非則是以良心爲非矣

問吾人嚮往前修則姚江考亭宜何所宗

先生曰姚江當學術支離蔽鑄之餘偶致良知直指人心一念獨知之微以爲是王霸義利人鬼關也當幾覩體直下令人洞悟本性簡易痛快大有功於世教而末流多玩實致者鮮往往舍下學而希上達其弊不失之空疎杜撰鮮實用則失之恍惚虛寂雜於禪故須救之以考亭然世之從考亭者多闇姚江而

竟至諱言上達惟以聞見淵博辯訂精密爲學問之極則又矯枉失直勞罔一生而究無關乎性靈亦非所以善學考亭也卽有稍知向裏者又狃以克伐怨欲不行爲究竟大本大原類多茫然必也以致良知明本體以主敬窮理存養省察爲工夫由一念之微致慎從視聽言動加修庶內外兼盡姚江考亭之旨不至偏廢下學上達一以貫之矣故學問兩相資則兩相成兩相關則兩相病

問羅整菴何如

先生曰整菴學考亭者也生平距釋排聃不遺餘力所著困知記於近理亂真之辨析入毫芒衛道之嚴可謂良工苦心方今學術不明淳厚者牿於章句俊爽者淫於浮辭疲精役慮茫不知學問爲何事間有畧覺其陋而反之於內者爻往往馳心虛寂借津竺乾托其身於不儒不衲不圓不方之間其爲世道人心之害曷可勝言區區深爲此懼欲表章困知記暨胡致堂崇正辨以救之而力有所未逮不能不望於世之有心人整菴之後又有少墟馮子亦惓惓以息

莫放淫爲事所著辨學錄言言痛切正大程尺謹而  
隄防固均吾道之長城也

問習靜要一念不起先賢謂未來事勿想過去事  
勿思現在事勿着夫現在事勿着固也若未來事  
勿想則夫子何以曰人無遠慮必有近憂乎過去  
事勿思則濫故亦不是而伯玉行年五十何由知  
四十九年之非乎

先生曰靜坐之要固貴纖念不起然非初學所能幾  
也過去現在未來一無所着蓋恐人認忘爲眞前後

產不化。有累乎湛寂虛明之體耶。若果心不逐境。惟  
理是思。則思又何妨。孔曰再思。中庸曰慎思。洪範曰  
思思作膚。膚作聖。管子云思之思之。思之不已。鬼神  
將通之。而繫辭亦云何思何慮。又云擬議以成其變  
化。卽此擬議非思而何。但識得本體是無思無爲的。  
則雖終日思。終日擬議。其把柄固在已而不失也。故  
曰思盡還源。性體常住。似未可以遠慮。溫故知非。爲  
疑也。

問習靜要全放下。一晌只學放下。遂將日用當行

事多有忘却失悞者當如之何聖賢無論有事無事總不着意何以不着意而能不失悞與

先生曰進修之實全貴靜坐今之言靜坐者曷嘗實靜坐全貴一切放下今之言放下者曷嘗實實放下若果屏息萬緣纖毫不掛久之則心虛理融物來順應亦猶塵垢既去而鏡體常明無所不照何悞之有

問靜坐之益以何爲驗白沙謂養出箇端倪纔好商量不知端倪是何景象

先生曰學須先難而後獲期驗便不是靜中養出端倪此白沙接引後學之權法未可便以爲準的也近溪子論此甚詳覽之當自知

問理欲之辨最細昔賢謂不慮而知發於自然者謂之良知便是天理然好好色之心何嘗待慮何嘗不出於自然如何却謂之人欲七情如此者甚多此猶易謬也且有明似天理而細心體之實屬人欲者此則難認矣當念之初動時學者何以辨別

先生曰好好色之心固發於自然而好色之跡惟恐人知卽此畏人知之心亦曷嘗不自然乎可見一時之縱恣終不能汨良知之本體特明知而明珠之耳真似似真之辨天理人欲之界所差只在毫釐間非至明不能晰其幾此君子之所以貴窮理也

問孩提愛親謂之良知以其不慮而知也嘗思之孩提愛親似只爲乳如早委之乳母則只愛乳母而反不知有生母矣若從乳起愛不過口味之性耳欲從生身處起愛似非學慮後不能也然孟子

立言自確而瑣心實未曉然果何如與

先生曰知愛乳母而不知有生母乳爲之也非天性之本然也及其一知生母而尙肯愛乳母若生母乎吾恐雖百乳母終不肯易天性一日之愛矣若謂由學由慮而後然則夫甫能言而便知呼嬾亦孰使之然乎

問君子思不出其位據註是因上章不在其位不謀其政而類記之瑣竊思上章似是夫子有爲而言指身所居之位而言也此章乃曾子稱良象之

辭就君子之思而言也。位字從來未曉。某何所指與。

先生曰：位字與素位位字參看，庶幾知其所止而無越俎之思矣。儼然若是而無思，則然若覺而無覺，學能臻此方是。且其所谓不動本體，當現自無出位之妄。

問：竇從前留意詞論，未嘗割苦，但偶然感物觸情，或因事應付，興會所到，發而遂適，嘗以此爲樂事也。自吾師指點後，乃知玩物喪志，遂一意屏絕。

浮習息心本真柰野鷹初拘罔悶不甦心花枯萎時或稍弄文墨反覺機趣快恬不審吾師以爲何如

先生曰此習性也程子有言學者爲氣所勝習所奪只可責志而象山亦云今人多是附物以爲樂若一旦失其所附恰似猢猻失了樹涼哉

問鬻者瑣訟墳一事蒙吾師見責以爲無地理或權教之以息一時之訟與抑果全無地理與

先生曰程子云地美則神靈安朱子上孝宗山陵議

尤娓娓言之則地理之說誠亦有之然有天理而後  
可以言地理未有天理不足專恃地理而蒙麻者也  
塊與家茫然於天理而專講地理於理便不通矣烏  
藐所謂理哉雪心賦青囊經人子須知地理正宗等  
書吾嘗深研其說尋龍倒杖之法少時亦嘗留心但  
惡夫世之人舍却天理而專靠地理以故生平絕口  
不談一昧主張天理天理若得則地理在其中矣

問叅同悟真書人謂朱子晚年亦好觀之瑣嘗竊  
察其術似於養身有補未審可信否

先生曰漢末魏伯陽擬周易納甲法作參同契一書其云二用無定位則流遊六虛等語於易道互相發明是以文公晚年與其徒蔡西山間亦參閱其後張平叔又著詩數十首以爲悟真篇中間抽坎補離藥物火候嬰兒姹女金公黃婆之言皆爲金丹刀圭而設要之別是一術非知道者所貴也程子云我亦有丹君信否用時還將濟斯民而許魯齋亦謂萬般補養皆虛僞惟有操心是要訣

問子曰仁者壽而顏子乃夭竊謂此特言性與天

道之常而不以身論也至講大德必得其壽而朱  
註云舜年百有十歲是僅以身論矣璣久惑之竊  
謂舜之壽當從宗廟享子孫保着出蓋祖宗甚遠  
子孫甚長而德足以享保無窮是以德言壽而不  
止身之百有十歲也不然蓋歟老死豈仁於顏子  
哉老彭八百豈德之遠過於舜哉愚意如斯敢祈

剖示

先生曰君子修己要在存養慾久之欲盡理顯耳  
目口鼻雖與人同而所以視聽言動渾是天理可以

達天可以參天天與之死不妨速還造化天與之生  
不妨久待天工存吾願事沒吾寧也區區壽夭初非  
所計卽以壽麻言之有名壽有名壽有神壽七百年  
此形壽也流芳百世此名壽也一念萬念此神壽  
也若氣斷神滅則周公不若且多材多藝能事鬼神  
及文王在上之言皆謊言矣曾謂聖人而謊言乎哉  
信得此則盜蹠期頤之妃乃是真死而顏子三十二  
亾未嘗真亾也

問福善禍淫顯應者固多而明錯者亦不少人謂

天道難測固也。竊謂人但見其小體而不見其大體耳。如君子坦蕩蕩是大體已享其福矣。卽貧賤患難無入而不自得。小體不足累小人常戚戚是太體已受禍矣。卽富貴榮華而魂夢多有不安。小體何足羨鄙見如斯乞吾師指示。

先生曰：積善有餘處。積不善有餘殃。此一定之理。無足疑者。天道固未易測。而錯則決不錯也。昔人謂此翁無急性。却有記性。此真知天者。大抵吾人涉世一生。禍福榮華。只看各人存心。何如耳。存心若正。身雖

貧賤患難而自反無愧。無異三公之貴。陶朱之富。心若不正。身雖富貴亨通。而自反多慚。無異在囹圄糞穢中也。蕩蕩戚戚。大體享福受禍之言。最爲得之。

先生答訖。徐謂之曰。所問疑端。足徵別來用心。疑者悟之基也。先儒謂大道本無階級。以疑爲階級。故大疑則大進。小疑則小進。其畫然而莫進者。由漫然而弗疑者也。然區區不患子不能疑。患疑而非其所當急耳。昔陸子靜先生講學於象山。一士忽問如何是窮理盡性。以至於命。先生笑曰。公是逐々細嚼老夫却

不泛然答既而又吟云自家主掌常燒錢送外精神  
徒損傷寄語同遊二三子莫將言語壞天常今所問  
中間多有疑乎其所不當疑問乎其所不當問者則  
亦近於泛然而壞天常矣非區區所望於子也

附

授受紀要

二曲先生口授

寶雞門人李修錄

肘後牌

用後牌者佩日用常行之宜于肘後帶以

自警自勵

且識之于不忘也上帝臨汝無

貳爾心其

可忽乎

恭

卷九容

放下

明虛

經

無

默

提起

放下

寂

倫

聲

擴善端

定

贊

化

無

臭

終日欽凜對越上帝篤恭淵默以思道思之而得則

靜以存其所得動湏察其所得精神纔覺放逸卽提起正念令中恒惺惺思慮微覺紛雜卽一切放下令萬緣屏息修九容以肅其外擴善端以純其內外交養湛然無適久則虛明寂定渾然太極天下之大本立矣大本立而達道行以之經世宰物猶水之有源千流萬派自時出而無窮然湏化而又化令胸中空空洞洞無聲無臭夫是之謂盡性至命之實學未至于斯便是自棄千萬努力念茲在茲

人之所以爲人止是一心心之所以常存全賴乎學  
孔子曰學而時習之孟子曰學問之道無他求其  
放心而已矣若外心而言學不是世俗口耳章句  
博名媒利之學便是迂儒徇末忘本支離皮毛之  
學斯二者均無當于爲人之實非孔孟之所謂學  
也

學脈最怕夾雜學術不可不醇先覺之學脉正而學  
術醇者宋則周程張朱明則薛胡羅呂顧高馮辛  
咸言言中正字字平穩粹然洙泗家法猶布帛菽

栗規矩準繩一日不可無無則不可以爲人若厭平常而喜新奇非狂卽妄狂與妄學者之深戒也若夫良知之說雖與程朱少異然得此提倡人始知契大原敦大本自識性靈自見本面夫然後主敬窮理存養省察方有着落調理脉息保養元氣其與治病于標者自不可同日而語否則學無來歷主敬是誰主敬窮理是誰窮理存甚養甚省甚察甚故學問必相湊而後成尊一闡一二者俱病能去此病學斯無病噫此惟可與知者道未可與

固矣夫高叟言也

學問貴知頭腦自身要識主人誠知頭腦則其餘皆所統馭識主人則僕隸供其役使今既悟良知爲學問頭腦自身主人則學問思辨多聞多見莫非良知之用所謂識得本體好做工夫做得工夫方算本體尊德性不容不道問學道問學乃所以尊德性此正喫緊切務自不得作第二義看矣來翰伊蕙以下言言中正無偏與區區所贈鄙謔脗合無俟剖析若再剖析反涉葛藤易曰默而成之不

言而信存乎德行願相與共勉之

周程張朱薛胡羅呂顧高馮辛乃孔門曾卜流派其爲學也則古稱先篤信聖人陸吳陳王心齋龍谿近溪海門乃鄒孟流派其爲學也反已自認不靠見聞亦不離見聞吾儒學術之有此兩派猶異端禪家之有南能北秀各有所見各有所得合併歸一學斯無偏若分門別戶牢不可破其識力學問蓋可知矣中無實得門而上爭閒氣噫弊也久矣吾人旣戴天履地而爲人須參天地以有事爲天

地立心爲生民立命爲往聖繼絕學爲天下後世  
開太平志不如此便不成志學不如此便不成學  
做人不如此便不成人

立身要有德業用世要有功業德業須如顏曾思孟  
周程張朱功業須如伊傅周召諸葛陽明方有體  
有用不墮一偏

屬別

我這裏重實行不重見聞論人品不論材藝夫君子  
多識前言往行原爲畜德多材多藝貴推已及人

有補于世。若多聞多識。不見之實行。以畜德。人品不足。而材藝過人。徒擅美炫長。無補于世。以之誇閭里。而驕流俗可也。烏足齒于士君子之林乎。此歸務敏華就實。一味閑修。步步腳踏實地。刻苦力詭。希顏之愚。爲曾之魯。篤實輝光。行誼媲美古人。人品屹若山嶽。可以爲吾道之光。可以垂奕世之芳。則此來爲不徒矣。敬拭目以望。

日用之間。以寡欲正心爲主。以不愧天爲本。欲不止于聲色貨利。凡名心勝心。矜心執心人。我心皆欲

也寡而又寡自念慮之萌以至言動之著務純乎  
天理無一毫夾雜方始不愧于天學至不愧于天  
則行不愧影寢不愧衾內不愧妻子僕御外不愧  
鄉黨親朋前不愧往聖後不愧來哲如是則光明  
正大坐然浩然徹上徹下雖魚飛鳥日新又新道  
斯大全

二曲集

卷十五

五

一百十七

二曲集卷之十五終